

Aplikasikan ilmu yang diperoleh



CERAMAH 'Bicara Pakar' bertajuk *Knowledge-Dichotomy Practice* disampaikan oleh Profesor Adjung Fakulti Pengurusan dan Pembangunan Islam (FPPI), UNISSA, Profesor Muhammad Syukri Salleh (kanan). Sementara gambar kiri, antara pelajar UNISSA yang hadir pada Program Kurapak Kitani Siri Ke-8 bertempat di Dewan Auditorium UNISSA.

Siaran Akhbar dan Foto : Universiti Islam Sultan Sharif Ali

BANDAR SERI BEGAWAN, Isnin, 22 Januari.- Universiti Islam Sultan Sharif Ali (UNISSA) melalui Bahagian Hal Ehwal Pelajar (HEP) dengan kerjasama Majlis Perwakilan Pelajar (MPP) mengadakan Program Kurapak Kitani Siri Ke-8 bertempat di Dewan Auditorium UNISSA. Program bertujuan untuk

memberikan kesedaran dan membuka minda pelajar melalui sesi ceramah atau perkongsian daripada penceramah jemputan sama ada dari dalam atau luar negara.

Pengisian ceramah atau perkongsian itu diharap menjadi motivasi serta mengaplikasikannya dalam diri

pelajar itu sendiri.

Di samping untuk meningkatkan pengetahuan dan memberikan kefahaman yang mendalam kepada pelajar UNISSA tentang sesuatu bidang ilmu dan isu semasa.

Majlis tersebut dimulakan dengan bacaan Surah Al-Fatihah diketuai oleh Naib Yang Di-Pertua 1, Majlis Perwakilan Pelajar UNISSA, Muhammad Ri'fat 'Atiyah bin Haji Anwari.

Majlis yang dihadiri oleh

mahasiswa mahasisi Tahun 1 dan 2, UNISSA itu diisi dengan sesi ceramah 'Bicara Pakar' dengan tajuk perkongsian ialah *Knowledge-Dichotomy Practice*.

Sesi ceramah disampaikan oleh Profesor Adjung Fakulti Pengurusan Dan Pembangunan Islam (FPPI), UNISSA, Profesor Muhammad Syukri Salleh.

Antara inti pati ceramah menyentuh mengenai kesusahan mencari ilmu di kalangan para ilmuan pada zaman

dahulu tetapi mereka mudah mengamalkannya.

Namun, pada zaman sekarang adalah sebaliknya, kebanyakan orang mudah mencari ilmu tapi susah mengamalkannya.

Oleh yang demikian, mahasiswa dan mahasiswi diseru untuk mengambil pengajaran dan jangan mengambil mudah terhadap ilmu yang diberi.

Majlis diakhiri dengan sesi soal jawab bersama para mahasiswa-mahasiswi.



NASIHAT KESIHATAN SEMASA MENGHADAPI BANJIR



Minum air botol / pastikan air selamat untuk diminum dan telah dimasak .



Utamakan kebersihan diri : Basuh tangan Menggunakan sabun dan air bersih.



Elakkan terdedah kepada air banjir. terutamanya arus yang deras.



Masak makanan dengan sempurna dan simpan pada suhu yang sesuai.



Jaga kebersihan kawasan sekeliling.



Elakkan menghampiri barangan / wayar elektrik yang terdedah.

Dapatkan rawatan segera di pusat-pusat kesihatan berhampiran jika mengalami cirit-birit, muntah, demam dan lain-lain.

